



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_201

Տուգանք նշանակելու մասին

18.05.2022թ.

ք. Երևան

Քննելով տեսչական մարմնի կողմից 2022թ. ապրիլի 11-ի N 232-Ա հրամանով

«ՌԵԱԼ ԿՐԵԴԻՏ» ՍՊԸ-ում /ՀՎՀՀ՝ 05538678/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 232-Ա կազմված 06.05.2022թ., խախտումների մասին 14.04.2022թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն գրառվում է գրավատնային գործունեությամբ, ք. Գյումրի, Մ. Խորենացի 82.4/1 տարածք և ք. Երևան, Պարոնյան 92. 41 տարածք հասցեներում:

Ստուգումն իրականացվել է «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման արդյունքում պարզվել է, որ օգտագործվող օրենսդրական չափագիտական հսկողության ենթակա չափման միջոցները՝ ք. Գյումրի, Մ. Խորենացի 82.4/1 տարածք հասցեում գործող գրավատանը 20.06.2021թ.-ից մինչև 08.04.2022թ.-ը և Երևան, Պարոնյան 92. 41 տարածք հասցեում գործող գրավատանը 20.06.2021թ.-ից մինչև 04.04.2022թ.-ը թվով 2 կշեռքները, վերը նշված ժամանակաշրջանում ստուգաչափված չեն եղել:

Փաստացի խախտվել է «Չափումների միասնականության ապահովման մասին» ՀՀ օրենքի 13-րդ, 16-րդ հոդվածի 1-ին մասի պահանջները:

Նշված իրավախախտման համար պատասխանատու է՝

Ավետիս Էդվարդի Կարապետյանը

իրավախախտողի անունը, ազգանունը, պաշտոնը

ք. Երևան, Դավիթաշեն 1 թաղ., 1շ., բն.28

մշտական բնակավայրը և հասցեն

ՀՀ Շուկայի վերահսկողության տեսչական մարմնում 18.05.2022թ.-ին ժամը 11:00-ին կայացած վարչական գործի քննությանը մասնակցել է տեղի, օրվա, ժամանակի մասին «Վարչական իրավախախտումների վերաբերյալ» ՀՀ օրենսգրքի 267-րդ հոդվածի

համաձայն պատշաճ ծանուցված իրավախախտում կատարած անձի լիազորված անձ Նարինե Խաչատրյանը /լիազորագիրը կցվում է/:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան Ավետիս Կարապետյանի նկատմամբ վարչական տույժը որպես վարչական պատասխանատվության միջոց կիրառելիս վարչական իրավախախտման վերաբերյալ գործը քննելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները: Արդյունքում պարզվեց, որ նրա արարքում առկա են Վարչական իրավախախտումների վերաբերյալ Հայաստանի Հանրապետության օրենսգրքի 33-րդ և 34-րդ հոդվածներին համապատասխան վարչական իրավախախտման համար պատասխանատվությունը ինչպես մեղմացնող, այնպես էլ ծանրացնող հանգամանքներ:

Մասնավորապես, պատասխանատվությունը մեղմացնող հանգամանք է կատարված իրավախախտման վնասակար հետևանքները մեղավորի կողմից մինչև ստուգում սկսելը վերացված լինելը, այն է՝ ներկայացվել են ընկերությանը պատկանող թվով երկու կշեռքների ստուգաչափման վերաբերյալ պատվիրատուի՝ ի դեմս «ՌԵԱԼ ԿՐԵԴԻՏ» ՍՊԸ-ի և կատարողի՝ ի դեմս «Ստանդարտացման և չափագիտության ազգային մարմին» ՓԲԸ-ի միջև 08.04.2022թ.-ի և 04.04.2022թ.-ի ծառայությունների մատուցման հանձնման-ընդունման վերաբերյալ ակտերը: Պատասխանատվությունը ծանրացնող հանգամանք է այն, որ իրավախախտում կատարած անձը տևական ժամանակ շարունակել է հակաիրավական վարքագիծը՝ 20.06.2021թ.-ից մինչև 08.04.2022թ.-ը գրավատներում գործող թվով 2 կշեռքները ստուգաչափված չեն եղել:

Վարչական իրավախախտումների վերաբերյալ Հայաստանի Հանրապետության օրենսգրքի 279-րդ հոդվածին համապատասխան վարչական իրավախախտման վերաբերյալ գործը քննելիս Տեսչական մարմնի կողմից պարզվեց, որ Ավետիս Կարապետյանի կողմից կատարվել է վարչական իրավախախտում, նա մեղավոր է այն կատարելու մեջ, հետևաբար ենթակա է վարչական պատասխանատվության:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Ավետիս Էդվարդի Կարապետյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 3-րդ մասով նախատեսված պատասխանատվության միջոցը, սահմանել տուգանք 130.000/մեկ հարյուր երեսուն հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ** տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Տուգանքը սահմանված ժամկետում վճարելուց հետո բանկային կտրոնի պատճենը անհրաժեշտ է 3 օրվա ընթացքում ներկայացնել տեսչական մարմնին՝ ք. Երևան, Կոմիտասի 49/2 հասցեով:

5. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ